

栽慕室吟

山陽古驛 廿之屋 臨在日今之山陽

旅館幾度變遷之到今百代衣冠留

鳳閣 今希晉歷代帝王 十年聲

價重雞林收將瀛海歸

詩筆一閱盡滄桑長道

心慧業之清潤起世網 金希

夢想湖 茅身著述總歸澄

乃今希女士以我慕室二稿見

贈奉題法謝時同各松濱

春運石 今月秋日

楊令菀



明尼斯德夫人
法文教員

我慕室吟草第一集自序

楊俞菀

丁卯刊我慕室吟草於武英殿雖大璞未琢尤病魯魚亥豕而
長兄味雲及江亢虎先生爲之序閻公南丈爲之編校諸師耆
老題詠者數十家蔚然成爲一編洎乎余畫歷代帝皇畫像既
畢重遊塞外渡扶桑過高麗弔箕子之故墟歸來息影於松花
江上冬青製曲長想故宮玉樹聞歌每憐商女傷時憫亂慷慨
悲涼抑揚天地之心激越風雲之氣時或試馬胡沙嬉冰江介
偶成章句投之郵筒病梅盦主人曹慎余評余近詩益復憂深
思遠聲音之道有關時會其信然耶比年樊山觚廬春榆閻公
南湖諸老相繼凋謝病梅盦主亦化於青島悟浮生之須臾感

盛時之不再爰輯篋中遊草爲第二編閱時四年經行萬里余
詩依然未經磨琢而逝者如彼古今代謝空深川上之悲少長
聯吟無復招提之樂况以烽火驚心關山修阻昔也以斷腸集
幽愁嘆遇爲不屑爲今也李清照金華溪上之心情我亦何異
乎是海宇故人存者有幾荒荒亂世何人更爲刪詩亦復不能
乞文四方以弁卷首僅集四年間唱酬諸什同付棗梨聊以緬
懷陳迹而已壬申四月令茆自序

令弟女士寄示莪慕室吟草爲題六絕

張之漢

簪花咏絮擅清才
遼島曾看畫本開
璵琬一身雲萬變
又攜綵筆出關來

烽火關河行路難
飄然裙珮到三韓
若非橐有荆關筆
安得遼山兩度看

曾入坤甯待太妃
才名幾載動宮闈
自從內府窺珍秘
畫境真從五嶽歸

無端風雨撼宮槐
鳳泊鸞飄劇可哀
誰識鷓鴣寥落意
一枝曾借上林來

海風吹到薛濤箋
身抵扶桑便是仙
何事揚舲更東渡
三神山

外一帆懸

才名真欲遍瀛寰
綵筆蓬牕架紫珊
海汐天風十萬里
飛航來畫舊金山

端午夜令茆過舍納涼因贈

樊山

畫夾詩帋海外歸
掖庭供奉有光暉
當心椰子爲書笥
不染蓮花作道衣
秘殿武英安筆硯
幽閨文淑寫芳菲
蘭縑若繪端陽景
羅聘葵榴未足稀

令茆女士於文華殿畫歷代帝王像樊山老人有詩贈之
敬次元韻

丁傳靖

不仿關仝與范寬
朝朝筆底走龍鸞
金門月冷談遺事
玉宇霜

濃耐曉寒幕上應餘天子氣殿前特設大官餐還愁日角辜難
似燒燭重尋本紀看

令弟女士賜畫扇筵并書近作三首詞一闕見示率賦七
絕五章以謝

孫雄師鄭

魚躍鳶飛悟靜機扶搖萬里倦遊歸鄭虔三絕詩書畫似此仙
才曠世稀

南薰圖像都零落何論凌煙與紫光欲乞生花垂露筆名賢五
百繪滄浪
天馬行空不可羈詩心聰銳善探驪佳章不厭百回讀分付泥
中婢護持

雄文誰薦似相如待詔當年賦子虛漢苑於今餘落葉篋中封

禪亦無書

讀題扇虞美人
詞有感賦此

道昇道韞漫評論雲夢胸中八九吞坐待河清麟鳳見長留翰
墨照乾坤

令邦女士寄示我慕室吟草爲賦四絕

曾子敬

一世才華淑氣鍾松江瀋水記重逢詩來爲誦驚人句牛斗光
寒百鍊鋒

太息青宮待制過曼殊王氣盡銷磨重門深鎖荒園冷譜出湖

山麥秀歌

女士住頤和園時
有故宮詞百首

我未歸來方靖節君何幽怨比靈均美人香草離騷感我慕尤

欽至性人

東關開府識荊州
備寫民生百刼憂
不炫才名務氣節
何來巾幗幃狂流

柳陰雙燕語

端後六日重過西
城感舊寄令荊

康同壁女士

十里紅塵驚心又過城
西路認取朱門水流車馬依然如故爭
奈度曲廊前鵲巢鳩佔覓來已不見舊時仙侶
地雲堦徘徊都是曾聽歌處何堪回首廣陵潮散燕子歸來無
據但月冷燈昏虛堂走鼠空依黯憑誰語

蘇來舫宴令荊爲嗇師奉觴卽席

羅玉衡女士

萬流亭下綠陰中
一曲煙波四面風
人合河山千里近
天教裙

展一尊同詞場自有登壇將閨秀今知命世雄選勝引年兼會友
友人魚鳥也融融

嗇師宴令蕘於濠陽卽席賦贈

范北強女士

淮南江北海蒼茫少女風來自遠方兄弟聲名揚國彥月虹書
畫米元章高華不獨詩情富擺落方知世慮長最是濠陽翁好
客白頭猶爲愛才忙

用樊山老人韻和令蕘武英殿夜歸詩

曹敏女士

丹青描出海天寬誰上蓬山跨鳳鸞玉液調鉛春弄色鈿車載
筆夜歸寒思親禮佛誦我慕恤老分金減素餐滄海雲煙收晚
底月明南內競傳看

除夕寄令弟索和

守歲中宵已入春
催君詩債療余貧
聲喧爆竹千家樂
對影疎燈一卷親
青眼惟憑梅索笑
素心常借酒全真
遙知道韞今宵逸
醉筆題詩句倍新

暮春載酒邀友人賞翊教寺海棠

年年舊約負城南
此日相逢酒半酣
莫怪名姝有仙骨
梵王宮裏傍詩龕

住歲與令弟約看
先哲祠海棠未果

漠漠輕陰護海棠
素衣頓改舊紅粧
丹心自有回天力
不待通

明奏綠章

寺中海棠自良公祠
遷入後忽變紅爲白

龍爲金錯比金堅
鈿盒珍藏值萬錢
不向人間誇富有
獨憑風

義傲神仙

座中南湖先生
出示金錯力

傾盡壺觴弄玉箏飛花點翠夜續紛輸他座上丹青客只寫花

容不寫聲

酒闌安和姪女按琵琶彈飛花點翠曲座
客中如令茆采若等均當代畫家都爲傾到

公園邂逅逢天風湘碧梁孟茗話殷勤湘碧擬囑令茆介

見樊山老人日暮果遇令茆慨允介紹以書報碧湘

傭媼生涯鬢漸班憑誰冷眼識心閒卷中白雪詞千首檻外紅
橋水一灣九畹蘭蘅逢楚客三秋楓葉憶吳山龍門未必雲梯
阻向夕煙霞信可攀

見雪懷南湖居士並簡令茆海外

維摩一榻臥偏高零亂天花集鬢髦迹已消融還帶冷心難言

說懶拈毫偶尋世味餘雞肋獨數交親比鳳毛姑射神人渺何
許蓬萊在望奈驚濤

寄令茆塞外

唐鼎元

回首燕雲十載間。遊人駿馬又榆關。江南客憶遼陽路。塞上霜
飛木葉山。六法已教傳海外。百篇重喜播瀛寰。寶弓鐵弩千鈞
力。不是奇才孰得彎。

昔日先窺照乘珠。今來萬里九秋書。同爲北海尋吟客。許補燕
山訪友圖。詩稿增從離別後。遊程窮徧水雲區。何緣繡虎雕龍
手。還得江山霸氣扶。

又寄四絕

詞客孤征何日還才名空是動江關如何一例芬昭筆也作哀
時庾子山

手揮珠玉落煙雲獨立人寰自不羣千載梁溪蘊靈秀三奇士
外更吟君

雄歌長句紀山川塞外風雲別有天才士違鄉離國感鳳凰山
下住年年

關東關北屢烽烟報國孤懷定憤然高着喉嚨提著筆胡無人
和李青蓮

奉呈令茆女士七絕四首

黃式叙

道昇藝篋珠相似大捨詞鋒錦不如想見天家花萬樹鸞綾曉

讀上清書

身兼書畫書三絕足遍東西北十洲不見江南李鍾隱瀟瀟暮

雨使人愁

蘭蕪故國今奚若難得浮生一日閑此際披圖轉惆悵恣君獨
看六朝山

當日林張稱好士風烟過眼二公徂生綃更乞曹衣筆爲寫千

山覓句圖

式叙與女士先後受林畏廬張薺翁知遇叙曩日請畏叟爲繪千山覓句圖已允之而旋逝女士爲卒成之海內名流如散原老人等題者甚衆

令蕓女士以近作佳畫賜觀敬題

張弧

像

豈

以丹黃勝溫溫玉不如畢華能紹宋粉本欲窺徐日角傳遺

天涯浣客居他年修畫史合駕惲清於

令茆女士寄示我慕吟草奉答一首

沈 着

撩亂風懷感舊塵詩來展讀一清新
行間落落皆名語海內寥寥復幾人
百代興亡付妙筆一篇悱惻在生民
挑燈三復紉蘭句宿斗森茫夜有神

奉題令茆女士吟草

楊雲史

氣骨雄奇天籟真不隨變徵鬪清新
若從世運論風格清怨梅村有幾人

袖攜彩筆上金鑾脫手丹青濕未乾
多爲典章留粉本異時不作畫圖看

星浦得令茆書却寄三絕

潘馥

九城花月暮烟籠海上仙山縹渺中哀樂中年人未老願天早
作白頭翁

說法曾無壽者相俠遊不近少牟場鉛華洗盡山河氣千里書
來一點傷

愛汝清才奈汝何落星石畔玉生波朝來辜負看山約一抹紅

樓滴翠蘿

令蒨書中有甯爲白頭翁焚香
滌硯不爲黑頭宰相掌書記語

哈爾濱三度遇令蒨畫史賦贈

吟松

魚躍鳶飛擬才思海天霞彩想朱顏昭陽殿裏丹青在出到人
間第幾年

余初遇令蒨畫史於大連舟中近從北平
故宮御書房隔窗見令蒨畫花草四幅

昌慶朱櫻比渥丹關山耐得雪霜寒行人遙指榆關道不見文